



Inatsisartuni ilaasortaq Malik Berthelsen, Siumut

Naalakkersuisunut apeqquteqaatit:

1.

Ullumikkut nunatsinni sanaartornerup allaffissornerullu iluani ilinniagaqarsimasut suliffissaqanngitsut qanoq amerlatigineri Naalakkersuisunit ilisimaneqarnerlutik?

2.

Ilisimatissinnaavisinnga nunatta avataanniit sanaartornermi aammalu niuernerme allaffissornermilu nunatsinni sulliartortut ukiuni 2010-mi aammalu 2011-mi qanoq amerlassuteqarsimanersut?

(Inatsisartuni ilaasortaq Malik Berthelsen, Siumut)

Akissut:

Siullermik qujanaq taamatut apeqquteqarfigisimagamma. Apeqqutitit imatut akissuteqarfigisinnaavakka:

1-i pillugu)

Suliffissaaleqisut qanoq amerlatiginerat pillugu naatsorsueriaaseq imatut ingerlanneqartarpoq: Qaammatit tamaasa kommuninit Nunatsinni Naatsorsueqqissaartarfimmut taamatullu Inuussutissarsiornermut Suliffeqarnermullu Naalakkersuisoqarfimmut nalunaarutigineqartarput qanoq amerlatigisut suliffissaaleqinermik eqqorneqarsimanersut. Kisitsisitigut nalunaarsuinerme takuneqarsinnaapput suliffissaaleqisut sumi najugaqartuunersut – tassa illoqarfimmeertuunersut nunaqarfimmeersuunersulluunniit, suaassusiat, ukiuilu. Kommunit sisamaasut affaasa ilanngullugu nalunaarsortarpaat suliffissaaleqisut ilinniagaqartuunnginnersut imaluunniit ilinniagaqartuunersut. Suliffissaaleqisut nalunaarsorneqarneranni ersinneq ajorpoq inuussutissarsiuqarnermi sumi suliffeqartuusimanersut imaluunniit sumut arlaanut attuumassuteqartuusimanersut.

Suliffissaaleqinerup 2011-mi ineriartorsimanera imatut isikkoqarpoq: Januar 2011-mi suliffissaaleqisut 4.059-usimapput – imatut paasillugu, sinerissami Suliffissarsiuussisarfinnut saaffiginnissuteqarsimanikkut piffissami sivikinnerusumi sivisunerusumiluunniit suliffissarsiorlutut taamak amerlassuseqartut nalunaarsorneqarsimapput. Ukioq manna julip qaammataani suliffissaaleqisut 2.824-upput. Taamaasilluni takuneqarsinnaavoq 1.235-nik januarimiit julip qaammataanut appariaateqarsimasut. Tamatumunnga pissutaaqqataavoq ukiup imaassinerani suliffissaaleqinermik eqqugaasartut allanngornerarlutik nikeriaateqartarmata. Tassunga sanilliullugu ilisimatitsissutigisinnaavara ukioq 2010-mi agguaqatigiissillugu suliffissaaleqinermik eqqugaasarsimasut 2.412-usimammata.

Suliffissaaleqisut pillugit kisitsisitigut paasissutissiissarnerup pitsaanerulernissaa siuner-taralugu ukuninnga inuttalersuiffiqarsimasunik suleqatigiissitalioqqammersivugut: Siulittaasup Naalakkersuisoqarfia, Aningaasaqarnermut Naalakkersuisoqarfik, Inuussutissarsiornermut Suliffeqarnermullu Naalakkersuisoqarfik taavalu Nunatsinni Naatsor-

22. sep 2011
Sagsnr. SJ-STD-MCHR
Dok. Nr. 728216

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

sueqqissaartarfik. Suleqatigiit siunnersuutiginiartussaassavaat, qanoq iliornikkut suliffissaaleqisut tamakkiinerusumik kisitsisitigut ersersinneqartalernissaat aqutissiuuneqarsinnaanersoq, tamatumunngalu tapitartuullugu suliarnik ilinniagaqarsimasut suliffissarunnermik eqqorneqarsimasut fag-inut sunut ilinniagaqarlutillu attuumassuteqartuusimarnersut.

Taamatut suligasuartussanik pilersitsinikkut siunertarineqarpoq suliffissaaleqinermik eqqorneqartartut kisitsisitigut ersarinnerusumik paasissutissiissutigineqartalernissaat. Tamatuma nassatarisussaavaa suliffissaaleqisut piginnaasaat tunngavigalugit iliuuseqartalernissap aqutissiuunneqarsinnaalernis-saa.

2 Pillugu)

2010-p ingerlanerani sanaartornermik ilinniagaqarsimasut avataaneersut 5-t nunatsinni sulilernissaminut akuereqarsimapput, tamatumalu saniatigut Ilulissani erngup nukisiorfiliornermut atatillugu qaarusuliornermik immikkut ilinniagaqarsimasutut sulisussat 28-t tikisinneqarsimallutik. Taakkua saniatigut Tasiilami takornariaqarnermut tunngatillugu niuerneramik ilinniagaqarsimasooq ataaseq Tyskland-imit tikisinneqarsimavoq.

Danmarkimi Udlændingesservice-p oqaaseqaateqaaqquosineratigut 9. september 2011 tikillugu makku nunatsinni sulilernissaanut akuersissuteqarfigisimavagut: Sanaartornermi inginiøri ataaseq, qalipaasut marluk, sanasut marluk, taavalu 2010-mi akuersissuteqarsimanerput tunngavigalugu Ilulissani nukisiorfiliornermut atatillugu immikkut ilinniagaqarsimasut 34-t tikisinneqarsimallutik. Ukioq manna allaffissornermut tunngatillugu immikkut tikisitsisoqarsinnaaneramik akuersissuteqartoqarsimanngilaq.

Avataanniit nunatsinni suliartornissamut qinnuteqaatit imatut aqunneqartarput: Sulisitsisut kommunini suliffissarsiuussisarfiit saaffiginnissuteqarfigisavaat, ilumut suliffissaaleqisoqarnersoq piumasaqaatinut pineqartunut naammassinnissinnaasunik. Piffimmi pineqartumi suliassamik tiguisinnaasumik suliffissaaleqisoqarsimanngippat, tamatuma kingorna sinerissami suliffissarsiuussisarfiit aperineqartarput taamatut piginnaasaqartunik innersuusaqarsinnaanersut. Tamatuma kingorna sinerissamit innersuussisoqarsinnaanngippat, nunatta avataanniit sulisussamik tikisitsisoqarsinnaaneramik qinnuteqaateqartoqarsinnaasarpoq.

Isumaqartoqarpat maleruagassat unioqquatinneqarsimasut tamanna pillugu kommunimut maalaarutigineqartussaavoq. Taakkua nalilertarpaat suliassamut Politiit akulerutsinneqassanersut. Inuussutissarsiornermut Suliffeqarnermullu Naalakkersuisoqarfimmit suliassat ataasiakkaat ilisimasaqarfigileraangatsigit sukumiisumik suliarniartarpagut. Taamaattumik unioqquutisisoqartillugu ilisimatinneqartarnissarput matumuuna qanoq iliuuseqarnissarput siunertaralugu kajumissaarutigiinnassavarput. Tamatuma saniatigut ilisimasariaqarparput, nunarput nunani avannarlerni suleqatigiinnermut akuummat, tamatumani nuunani allaneersut pillugit inatsit tunngavigalugu peqqussut nr. 150, 23. februar 2001-mersoq nunatsinnut tunngatillugu nunanit allaneersunut inatsimmi periarfissiisoqarmat, naalagaaffinnit Finland-imeersut, Island-imeersut, Norge-meersut taamatullu Sverige-meersut immikkut qinnuteqanngikkaluarlutik nunatsinniissinnaatitaammata, tamatumali nassatarisaanik nunatsinni sulinissaminut immikkut qinnuteqaateqartariaqaratik.

Neriuppunga apeqqutitit naamaginaratumik akissuteqarfigisimassallugit.

Inussiarnersumik inuulluaqqusillunga
Med venlig hilsen



Ove Karl Berthelsen